

文  
戒



二

庫文閣内	
函架	漢
内閣文庫	
番號	漢 12421
冊數	12( 2 )
函號	300 216



醫星元戎卷第二

趙州教授兼提舉管內



太陽流入陽

明故葛根次服



俗製並見三方

葛根加半夏湯

葛根黃芩黃連湯



葛根升麻湯 錢氏用治

葛根

升麻

芍藥

甘草



海藏云活人言頭疼如破者連鬚葱白湯次

又不已者葛根升麻湯恐太陽流入陽明漸

其路故以此湯主之地黃湯內加犀角無

以升麻代之是知陽明系非太陽系也人或  
初病太陽證便與葛根升麻湯是遺太陽不  
惟遺太陽經乃引邪氣入於陽明故不能解  
也其變可勝言哉

活人葱白例 此例當在前麻黃葛根葱白湯四味調下

連鬚葱白湯 治傷寒發汗已而頭疼欲破者 一作條

葱白 連鬚半斤 生姜 二兩

右以水二升煮取一升去滓分二三服此藥  
不差者服葛根葱白湯

葛根葱白湯

葛根 葱白 生姜 芍藥

川芎 知母

右剉水三升煎一升去滓分二服

七味葱白湯

蓋脫則字 許仁云傷寒或因氣勞或因食勞其病如強力

疑重字 持虛行步而乏者力勞 一作案

葱白 連鬚 葛根 鹽豉 生姜

麥門冬 乾地黄 湯水 一抄揚之無數

右七味湯水煎至三分去滓分作二服服之  
覆看出汗

王朝奉方 活人朝奉 葱白例並出金匱祖方

葱白湯 治妊娠傷寒

葱白 十莖 生姜 三片

右二味以水三升煮取一升分三服取汗為度

又葱豉湯

葱白 二兩半 豉 半斤

右水三升煮取一升分二服取汗為度

又葱白一物湯

葱白 二把

右以水一升煮熱熟取汁食盡亦主安胎若

胎死須臾即出

又葛根一物飲子

葛根汁每服一小盞如人行五里地道一服

若無生葛乾葛以咀煮濃汁服至於升麻一作味梔

子前胡知母黃芩杏仁六味共七物內加葱

白三兩莖煎去滓服

普救散 治小兒傷寒

乾葛 羊炒焙 甘草 四炒赤 蒼朮 一斤米

右藥末每服二大錢水一鐘煎至七分去滓

熱服

百解散

升麻湯六兩 蒼木四兩 菖蒲一兩

右同為末、水煎服。

又百解散 治太陽陽明合病

麻黃 荊芥 石膏 川芎

蒼木 斗草

又百解散

麻黃 菖蒲 蒼木 斗草

不臥散

蒼木半兩 斗草一兩 菖蒲三錢

右以水一有同字 生薑一有同字 煎服

蕩邪散

藁本 蒼木 斗草 各等分

右以水一盞煎服

和解散

蒼木半斤 藁本 桔梗 微炒 厚朴製各

陳皮去白 甘草炙各四兩

右為糜末、每服三錢、水一大盞、生薑三片、棗一枚、去滓服

易簡王氏生科五積散

治感風寒肩背拘急<sup>發</sup>熱或為寒所搏  
一身凜然而寒<sup>一以此字</sup>急用此茶如服養昌湯法以  
被覆汗出則愈矣

蒼木

桔梗

枳壳

麻黃

陳皮

各六

白芷

川芎

當歸

甘草

官桂

半夏

白芍藥

茯苓

各三

干姜

厚朴

各四

右以咀每服四<sup>錢</sup>盞水一盞半生薑三片葱白

一根煎至六分去滓食前熱服尋常被風寒

濕氣交互為病頸項強直或半身偏疼或麻

痺但服此茶加麝香末少許煎服自能平

治婦人經候不調心腹撮痛<sup>一有或字</sup>閉塞不通加醋

及

一合煎服及產後并<sup>并</sup>催生生胎死腹中如前

法能飲者更加酒半盞產後發熱及往來

寒熱不問感冒凡寒及惡露為惡<sup>患</sup>均可治療

腹中血塊尤宜熱醋調服傷寒手足逆冷

面青嘔吐宜加附子或瘧癘癥瘕膀胱小

腸氣痛加炒茱萸半盞塩少許脚氣加茱

萸木瓜大便秘者加大黃脚氣下注熾然

赤腫者以大便秘流利為度若脚氣初發增

嘔

寒壯熱者亦宜此茶利之。又一方治渾身  
瘡疥膿血水淋瀝經時不愈加升麻大黃各  
升麻和氣飲。蓋瘡癰為患多肉內有所蘊  
登在皮膚若只傳以茶何由得愈不若以此  
茶滌之若寒<sup>濕之易簡</sup>溫<sup>之易簡</sup>注下作瘡愈則毒氣  
入腹為害不淺此茶尤妙若有熱證則以敗  
毒飲亦加大黃煎服。

海藏五積論

麻黃桂芍藥甘草即麻黃桂枝各半湯也蒼朮  
甘草陳皮厚朴即平胃散。枳壳桔梗陳皮

等

茯苓半夏即<sup>一作枳殼</sup>枳梗半夏湯也。又川芎當歸  
湯活<sup>一作治</sup>血。又加乾姜為厚朴散。右此數

茶相合為解表溫中泄熱之劑去痰消痞調  
經之方。雖為內寒外感表裡之分所致實非  
仲景表裡麻黃桂枝善附之的方也。至於冷  
積嘔吐泄痢癥瘕時疾疫氣項背拘急加葱  
白豆豉厥逆加吳茱萸寒熱咳逆加東、婦人  
難產加醋始知用之非一途也。惟甚活法者  
其擇之。

知

仲景五苓散

治太陽病發汗後、大汗出、胃中乾、煩燥、不得

眠、欲得飲水者、少與之、令胃氣和、則愈。若

脈浮、小便不利、微熱、當消稍渴者、宜五苓散主之。

豬苓十八株 澤瀉一兩 茯苓十八株 白朮十八株

桂淨皮兩去

右五味為末、以白米飲、調服方寸匕、日三服。

多飲暖水、汗出自愈。胃弱小便少、亦宜少

減。二苓沃瀉、加白朮、桂、佐以生薑之類。若

水停心下、煎生薑三錢、厚一作或半復入煎或半兩、味濃、調服五

苓散、科稱三五或半兩、亦可。大陽標病、傳入

標之本、發渴溺不利、以此散導之、取自膀胱

而出也。若未渴、妄用五苓散、反引邪氣入裏、

而不能解也。故易老云、即大陽經之一作下菜也。

若傷寒太陽、脈緊而渴者、不宜用此。陽明

證、後有仲景五苓散一條、耳露飲、枳朮湯、梅

師方、一以其消痞去水、故入陽明例。飲酒

而泄瀉者、脾胃受濕也。何以知之、仲景厥而

心下悸者、宜先治水、當服茯苓甘草湯、一作却後治

其厥、不爾、水漬入胃、必作利也。故飲而瀉者、

五苓散耳、露飲子神効、飲酒若過度、必作利。

亦疑亦誤

邪



者、衰急後重者、溫熱之毒、浸漬腸胃也、當作  
別治、其露飲、即五苓散、去豬苓、加石羔寒  
水石滑石甘草是也、並用濃煎生薑湯調  
食前服、而加三石、臨時視病寒熱輕重多少、  
隨宜用之、

瘧濕喘三證

傷寒頸強急、身體反張、屬太陽、先因傷風、又感  
寒濕而致然也、古人謂之瘧病、又作瘧、瘧者  
強直也、古人以強直為瘧、外證發熱惡寒、夕  
傷寒相似、其脉沈遲弦細、而項背反張、強硬

如發癎之狀、此為異耳、新產去血多、汗出中  
凡亦有此證、當察有汗無汗、以分剛柔二瘧、  
無汗惡寒、名為剛瘧、有汗不惡寒、名為柔瘧、  
無汗者葛根湯主之、有汗者桂枝加葛根湯  
主之、一作分剛柔二證、一作瘧加減小續命主之、審之  
剛瘧胸滿口噤、臥不着席、脚牽急、咬齒、大承  
氣湯下之、加羌活尤妙、外臺秘要云、熱而瘧  
者死、熱病瘧者、及折痺癎齒斷、禁剛柔二  
瘧、分陰陽二瘧、何如、瘧亦作瘧、陽瘧屬剛  
瘧、陰瘧屬柔瘧、以附子散、桂心白朮湯、附子

防風散人物白朮散可選散茶用之

防附子散

治傷寒手足逆冷筋脉拘急汗出不止頸強  
搖頭口噤者宜服之

桂心 二錢 附子 炮一兩 白朮 一兩 川芎 三錢

独活 半兩

右各呷咀每服三錢水一鐘鍾棗一枚煎至五  
分去滓温服

桂心白朮湯

治傷寒陰產手足厥冷筋脉拘急汗出不止

白朮 防風 甘草 桂心

附子 川芎 各等分

右剉如麻豆大水五盞善五片棗一枚煎至  
七分去滓温服一有同字

附子防風一作散

治傷寒陰症閉目合口一作面手足厥逆筋脉拘急  
汗出不止者宜服之

白朮 防風 甘草 桂心

附子 乾姜 柴胡 茯苓

五味子

右以咀、每服三钱、水一盞、生姜四片、煎至七分、去滓、作散、無時溫服。

八物白木湯

治傷寒陰症、三日不差、手足厥冷、筋脉緊急、汗不出、陰氣內傷。

白木 茯苓 五味子 桂心

麻黄 良姜 羌活 附子

右以咀、每服四钱、水一大升、有中字、煎至五分、去滓、溫服、無時、有中字、無論有汗無汗、茶、并下茶。

无中、總加羌活。

元

王朝奉剛柔二症三茶

金匱栝蒌桂枝湯 有汗者、柔、一作弱也、蓋非、症也、屬陰。

大陽證、其證備、身脉強、凡、然、脉沈遲為症。

栝蒌根 兩 桂枝 皮 去滓 芍药 各 三 甘草 兩 炙 二

右剉、每服五钱、水二小盞、有中字、煎至一盞、有中字、去滓、有中字、汗不出、食頃、啜熱粥以發之。

桂枝加葛根栝蒌湯 治證同前

桂枝 芍药 各 一 甘草 兩 葛根

栝蒌根 各 二 钱

右以咀、每服五钱、水二盞、有中字、煎至一盞、有中字、去滓、有中字、汗不出、食頃、啜熱粥以發之。

至一盞去滓服

金匱葛根湯

無汗則  
一作也  
屬陽

大陽病無汗而小便少及氣上衝咽口噤不

得語欲作剛症

葛根

四兩

桂枝

二兩

甘草

二兩

麻黃

去節

生姜

切

芍藥

二兩

大棗

二十枚

右以咀水一斗先煮麻黃葛根一二沸去上

沫內諸藥煮取三升去滓溫服取微汗王朝

奉云芍藥二兩

活人拳敗散

治新產血  
虛症者

右以荊芥穗不以多少微炒為細末好酒調

五錢七服之

或云仲景症病無茶今王朝奉治症葛根湯即

桂枝湯內加葛根麻黃是也治後有金匱芍

藥三兩一句即是仲景有本方也叔和編次

仲景言證而無茶金匱以有也活人百合證

數茶以為活人茶而不知本草所載皆金匱

方當知仲景有本方矣金匱玉函即仲景之

昔稱也金匱要畧亦出玉函故朝奉但言金

匱處使便為仲景方也故文潞公輩者稱仲景

一作首

載

為群方之祖，蓋本此也。

海藏症濕喘別法

神木湯 治凡濕惡寒脈緊

蒼木 防凡 甘草

右以葱白煎去滓服

解利無汗治剛症加羌活 獨活 麻黃

白木湯 治凡濕惡寒脈緩

白木 防凡 甘草

右以葱白生薑煎去滓服

解利有汗柔症加桂心 黃耆 白木

太陽陽明加川芎荊芥穗 正陽陽明加羌活

酒大黃 少陽陽明加防凡柴胡 熱而在

表者加黃芩 寒而在表者加桂枝黃耆附

子 熱而在裏者加大黃 寒而在裏者加

乾薑良薑附子以上數証寒熱當以脈別之

汗少者加蒼木 陽濡而弱濕溫也

先傷濕 後傷暑 脈虛各重喝

汗多者加白虎桂枝 陰小而急

先傷寒 後傷熱

白熱脈虛 自汗惡寒 中暑也

身

身

白虎加桂湯

自熱脈浮 自汗欲睡 凡濕也

白朮漢防己湯

先傷凡 後傷熱

先飲冷、後傷暑、五苓散主之、此必心下痞也、

煎生姜湯調服、或四君子湯、調中湯、亦可、若

中和、後或小便不利、或莖中痛、以蒲黃三錢

滑石五錢、甘草一錢、為細末、熱水調送金花

丸三五十九丸、太陽中熱者、暈病也、中暑

亦暈病也、大熱當陽中熱、發熱惡寒、身重及痛脈

弦細芤遲、小便似脫已字澀、然毛聳、小有勞、忽然身

熱、口開齒燥、此有三惡、忌發汗一、忌濕

針二、忌大下三、若犯此三忌、則有三甚、

發汗惡寒愈甚一、溫針發熱愈甚二、

大下小便淋甚三、

問脈弦細芤遲、當用何藥、答曰、海藏黃耆湯主

之、

〇〇海藏黃耆湯

人參

黃耆

白朮

茯苓

芍藥

甘草

各分

右以胆、每服三钱、水一大盞、生姜三片、煎至六分、去滓、温服。

東垣李~~明~~之先生云、如治凡先浸防风二兩、次煎餘藥、與同例。

蒼朮不以多少、泔浸透、刮去皮、切作片、晒干、每四兩、以水三大碗、煎至二大碗、去滓、煎用下項藥。

白朮 白茯苓 黃耆 白芍藥

右四味、各等分、細剉、每服一兩、以蒼朮水煎至一盞、去滓、温服、食遠可用、若三焦氣弱、中土不能常飲食、心下痞、內外三焦之氣絕也。

當先浸黃耆二兩、水二碗、煎至一碗、再煎正藥、黃耆湯一大服、用接內外三焦元氣、同東垣先生法。

上浸蒼朮、煎藥燥湿、下浸黃耆、煎藥接氣也。易簡白朮湯。

治小兒泄瀉、胃熱煩渴、不問陰陽、並宜服之。

人參 白朮 木香 茯苓

甘草 黃耆 各一兩 乾葛 二兩

右以胆、每服二钱、水一盞、煎至半盞、量大小。

連

與眼仍用香連凡間之渴欲飲水者時、煎  
眼取意飲之、弥多弥加好易簡白木湯一方治吧  
吐白木人參各二半夏一而茯苓甘草乾姜  
各半 善煎眼 錢氏謂小兒吐瀉當溫補之  
每用理中丸以溫其中五苓散以導其逆連  
進散眼兼用四君子湯加陳皮調之若已虛  
損用金液丹雜以青州白丸子為末米飲調  
眼多眼乃效若吐瀉之後發熱必作驚風二  
茶眼之累有神效 若胃氣已生則旋減金  
液丹以異功散等茶徐、調之 若食不消

月

而脾胃虛寒、吐吐惡心者當眼益黃散用陳  
皮半夏兩易簡青皮訶子肉甘草各一分丁香一錢  
量大小煎眼小兒暑日吐瀉其證不一、宜詳  
審用之不可差謬有伏暑一有暑字小便必不利、宜五  
苓散香薷散眼 有傷食者其吐并糞必酸  
臭氣宜眼感應丸 有虛冷者泄瀉必多宜  
以六神湯加附子眼之用人參茯苓山茱白  
朮扁豆甘草等分善煎眼 凡證調加天麻痢  
加罌粟壳 吐瀉初定當以天南星為末每  
眼加冬瓜子仁七粒煎眼以防變痢 若瀉



色青、當有驚、用易簡一作用茶、小兒之病、与大人無異、用茶亦同量、力用之、惟凡氣、肺凡、夜啼、重舌、夏蒸、客忤、驚、痾、解、顛、眩、病、疝、氣、不行、救、證、錢氏方甚詳、

消暑丹

半夏 一介 茯苓 半介 甘草 生半介

右以醋五升、煮半夏、盡醋、熬乾、善汁作糊、無見生水、為丸、每服五十九、熱水嚥下、精意修治用之、極効、中暑為患、茶下即甦、傷暑發熱、頭疼、服尤妙、夏月常服、止渴、利小便、

雖飲水多、亦不為害、應是暑、茶、皆不及此、若痰飲停滯、並用生姜湯下、入夏之後、不可

缺此

霍亂證、夫嘔吐而利者、霍亂也、三焦者、水穀之道路、邪在上焦者、則吐而不利、邪在下焦者、則利而不吐、邪在中焦、既吐則利、以飲食不節、冷熱不調、清濁相干、陰陽乖隔、遂成霍亂、揮霍撩亂、重也、吐利而已、輕也、霍亂吐瀉者、凡濕、暍、外至、生冷、硬、好、生、內外合、而為病、謂如凡寒、濕、暑、熱、暍、所傷、各有先後、飲食、菜、果

而

各有多少、內外傳變、各有輕重、以六經脈併  
何經何藏、以隨所應見治之、或表或下、或利  
或收、燥潤分利、溫濕之屬、浮弦實細遲緩、宜求  
此之謂也、外邪入裏、傷於脾胃、上吐下利、各  
為霍亂、吐利止後、見外證者、只作外傷治之、  
外證不已、復傳於裏、一作再吐利在作上下、邪甚先  
吐利、裡氣已虛、傷寒再傳、而又吐利、是謂重  
虛、故不可治而死也、先傷寒而為吐利、既吐  
利而再傳、一元傷寒却傳吐利、雖曰重虛、  
前後吐利、清濁不已、外則難解、內則難溫、茶  
餌難為功矣、若飲冷過多、或有所傷、心下  
痞、腹痛不能食、或泄瀉不止、若不吐者、化水  
丹、瓜等茶、不復再飲也。吐者、半硫丸、右二茶、効、後服五苓梅

化水丹

川芎

蛤粉

牡蛎粉

右為細末、醋糊為丸

半硫丸

硫黃

半夏

並依局方、脩製眼餅

三寶丹

治積冷暴瀉不止、不嗜飲食

修

硫黃

半夏

牡蛎

各等分

右為細末、姜糊丸、桐子大、硃砂為衣、生姜湯下二十九、空心服、此一壅二三茶、並有消暑之意

活人發斑諸藥

葛根橋皮湯 治斑在肌

治冬溫未即病、至春被積寒所折、不得發、至

夏得熱、其寒解、冬溫始發、肌中斑爛、癢疹如

錦紋、而欬、心悶、但嘔吐清汁、服此藥即靜

葛根

橋皮

杏仁

知母

黃芩

麻黃

甘草

各等分

右剉如麻豆大、每服五錢匕、水一盞半、煎至

一盞、去滓溫服

陽毒升麻湯 斑在身面

治傷寒一二日、變成陽毒、或服藥吐下之後、

變成陽毒、腰背痛、煩悶不安、面赤狂言、或見

鬼、或下利、脈浮大數、面赤斑、如錦紋、咽喉

痛、下膿血、五日可治、七日不可治

升麻 二分

犀角 鎊

射干

黃芩

人參

甘草

各一兩

石剉如麻豆大、水三升、煎取一升半、去滓、飲

一盞頃刻再服以衾覆手足出汗則愈不愈再服

陽毒玄參升麻湯 痲在身

治發汗吐下後毒不散表虛裏實熱發於外故身痲如錦紋甚則煩燥譫語兼治咽閉腫痛

玄參 升麻 甘草 各等分

右剉每服五錢作以水煎去滓溫服

陽毒梔子仁湯

治少陽、明合病、陽毒傷寒壯熱、百節疼痛

並宜服之

升麻 梔子仁 黃芩 芍藥

石膏 知母 甘草 杏仁

柴胡 各等分

豆

右為麤末每服五錢七水一盞生薑五片豆豉百粒煎至六分去滓無時溫服

四物解肌湯

芍藥 黃芩 升麻 葛根 各等分

右以咀每服三錢水一盞煎至七分去滓脹內傷腹中有宿食不得大便而發熱當以食

茶去其物則可、便後仍發暑者、在表也、亦亘  
解表、此皆錢氏宋氏升麻湯、去甘草、加黃芩  
尤妙。一作朱氏

潔言老人涼膈散、去大黃、硝、解六經中熱、亦治  
小兒痲、欲發之、則加防風、升麻一作荆芥二物、尤妙。

守真說涼膈散亦妙、大便結、小便赤者、亘用、  
大小便已通者、不亘也。朱氏錢氏王氏所

論皆平、易老亦平、守真微涼、南北之地、法方  
亘不同也。折中湯液、万世不易之法、當以

仲景為祖。

金匱要畧方、陽毒之為病、而赤痲、如錦紋、咽

喉痛、唾膿血、五日可治、七日不可治。陰毒

之為病也、面目青、身痛如被杖、咽喉痛、死生

夕陽毒同、升麻鱉甲湯並主之。此王朝奉

治陰陽毒升麻鱉甲湯、俱出仲景祖一作方

痲瘡豌豆瘡

千金方、熱病後、豌豆瘡、黃連一物煮濃汁服、

又好青黛、如棗大水服之、差。又滋木香一

物煮濃汁服。

五物木香湯 治瘡煩疼。

青木香 二兩 丁香 一兩 薰陸香 白朮 各一兩

射香

右剉、每眼四錢、水二盞半、煎至一盞、溫服、熱

盛者、加犀角一兩、無則以升麻代之、輕者 白

朮大效

犀角大青湯

大青

外一作

梔子

四十枚

犀角

右以咀、每服五錢、入豉半合、水一小盞半、煎

至一盞、去滓服、**初虞世**云、小兒瘡疹之候、

與傷寒、溫疫相似、疑似之間、可先服解肌湯、

大人傷寒、中風、溫疫、瘡子已發、熱未退、並可

用解肌湯、小兒瘡疹、出不快、濃煎紫草汁

服、又牛房子、炒熟為末、同荊芥煎服

消毒犀角飲子

治癩

牛房子

荊芥

元犀角

耳草

右麻末、水煎服

錢氏消毒丹

牛房子

荊芥

耳草

右麻末、水煎服

王朝奉癩論

發癍者下之太早，熱氣乘虛入胃，故也。下之太遲，熱留胃中，亦發癍。或眼熱茶過多，亦發癍。微者赤癍出，五死一生；劇者黑癍出，十死一生也。皆當用白虎人參湯，一名化癍湯。及阿膠大青湯。孫兆云：兼與紫雪大妙。可下者，用謂胃承氣湯。暑月病陽重，常宜服。後見微癍，當急治之。

阿膠大青湯

大青 四兩 甘草 二兩

右為粗末，每服四錢，水一盞半，入豉半合煎。

至一盞，去滓，入阿膠二片，再煎膠消服。

灸

華陀云：此方主熱病不解，下利篤困，又主傷寒熱病，十餘日以上，發汗吐下後，熱不除，利不止，癍出，黃疸，皆可療之，神效。

王朝奉議論并方

陰陽毒不可以常法治之。金匱云：陽毒之為病，面赤癍，如錦紋，咽喉痛，唾膿血，五日可治，七日不可治。陰毒之為病，面目青，身疼如被杖，咽喉痛。死生分。陽毒同，升麻湯並主之。千金陽毒湯治傷寒一二日，變成陽毒。

或服茶吐下後變成陽毒身重腰脊痛煩  
悶不安狂言或走或見鬼或吐血下利其脉  
浮大面赤痲如錦紋咽喉痛吐膿血者立  
日可治七日不可治宜升麻湯 陰毒湯治  
傷寒初病一二日變成陰毒或服茶六七日  
已上至十日變成陰毒身重背強腹中絞痛  
咽喉不利毒氣攻心下堅強短氣不得息  
叱逆唇青面黑四肢厥冷其脉沉細緊數仲  
景云此陰毒之候身如夜衣五六日可治至  
七日不可治也 方一 百七 耳草湯

又陰旦湯治傷寒收節疼痛內寒外熱虛煩者

陰陽毒升麻鱉甲湯

升麻 當歸 甘草 各三 蜀椒 去汗

鱉甲 炙 雄黃 研 半兩

右以咀每服五錢水一盞半煎一盞去滓温  
服時後千金陽旦湯用升麻無鱉甲有桂陰  
毒用甘草無雄黃

陽毒升麻湯 此二藥今活人特異當有別說

升麻 半兩 當歸 蜀椒 雄黃  
桂枝 各一兩



右每服五錢、水一盞半、煎至一盞、去滓、溫服、厚覆、手足取汗、得吐亦佳。

陰毒甘草湯

甘草

升麻 各半兩

當歸

蜀椒

各一分

鱉甲

一久一作兩

石每服五錢、水一盞半、煎至一盞、去滓、熱服、

不汗、再服、

王朝奉陰陽二毒升麻等湯、俱

出金匱、談論、活人同、治陽毒、升麻等湯、特

議。擇。

異、用者當以下有脫語

陽旦湯

二旦方、皆出活人、大同小異、

桂枝湯加黃芩二兩、餘同本方、加減法、自

汗、去桂、加附子一枚、用、渴者去桂、加栝樓

根三兩、利者去芍藥、加乾姜三兩、附子一

枚、炮、心下悸者、去芍藥、加茯苓四兩、虛

勞裡急、正陽旦湯主之、若脉浮緊者、不可與

服之、

陰旦湯

芍藥

甘草

各二兩、乾姜

黃芩

各三

桂

四兩

右每服五錢、水二盞半、煎至一盞、去滓、服、

治傷寒肢節疼、內寒外熱、虛煩者、宜服之。  
甘草湯治咽痛、陰陽毒未較、甘草一味、九錢。

右水一盞、煎去滓服。

沈香連翹散 治一切腫毒疼痛、欲死者立止。

青木香 沈香 升麻 射香

乳香 丁香 獨活 桑寄生

連翹 木通 已上各 川大黃 煨五兩

右為麤末、每服三錢、水二盞、煎至一盞、空心

熱服、半日以上、未利再服、本方有竹瀝、芒硝

斟酌、虛實用之。

### 內化丹

并

治腦背瘡疽、初覺腫硬、未有頭腦、并諸腫不  
消、始覺便服此藥、微利數行、其腫免致出膿。

南乳香 兩半 沒藥 兩半 另研 川烏 大者、水浸、一火

海浮石 醋柒七 次半兩 巴豆 四十九粒、去  
皮、不去油。

右為細末、將川烏末餘藥和研勻、以浮石、醋

打麩糊丸、桐子大、量虛實加減、空心五七丸。

溫酒下、忌熱物。

〇〇奪命丹 治惡瘡、腦疽、發背。

大黃 九切、作塊、火磁、煮丹、盛之、攪九、牡蛎、兩

耗

生姜

一兩

沒藥

乳香

各一

右為麤末、轉作九子、用好酒一升、木炭火熬一沸、乾二分、用碗盛之、夜露一宿、早晨去滓、空心服之、不可亂傳

治癩背瘡方

蒼耳子、炒黃、擦去其刺、再炒、深黃、不見凡碾細末、每眼五、七、好熱酒調服、食前臨臥一則用大黃牡蠣、二則用蒼耳、則知在內外之不同也、前有奪命丹二藥、表裏不同、何以然、乃膏梁之變、脉沈而滑、地之濕氣害人皮肉筋脉、浮而滑、所以有泄之癩之異也、灸法一同、与後丹托散論議相通

而

大補十全散

參耆木茯苓

芍地桂歸川

三五錢秤用

生姜枣水煎

婦人虛弱用

各美另十全

治婦人諸虛不足、五勞七傷、不進飲食、久病虛損、時發潮熱、氣攻骨脊、拘急疼痛、夜夢遺精、面色痿黃、脚膝無力、一切病後、氣不和、失精、憂愁思慮、傷動血氣、喘嗽中滿、脾胃氣弱

止心煩劇並皆治之此藥性溫不熱平補有  
効養氣育神醒志止渴順正辟邪溫煖

川芎

桂

芍藥

甘草

黃耆

當歸

人參

白朮

茯苓

熟地

各等分

石麻末每服五錢匕水一盞半生薑三片棗  
二枚煎至七分無時溫服且參朮茯苓甘草  
四君子湯也川芎芍藥當歸地黃四物湯也  
以其血氣俱衰陰陽並弱天得地之成數故  
名曰十全散保命救生丹出十全例

內托散

此方在補虛門

當官人芷桔

芍藥草厚瓜

可治膏梁變

補托有神効

本方注云未癸者消散已癸者早膿兼治時  
氣脹者當求脈之原若其人本虛脈虛宜用  
此若脈不虛不宜用此及此別則害人多矣經  
云地之濕氣盛則害人皮肉筋脈而生疽者  
宜此藥托之右膏梁之變既生大下者不  
宜用之宜以羌活連翹大黃生地黃湯下之榮  
氣不從逆於腠理乃生癰腫榮逆血滯則

疽膏

熱聚為腫、正理論曰、熱之所過、則為癰腫、榮  
氣不從、亦有不熱者乎、答曰、膏粱之變、芳草  
之美、金石之過、氣血太盛、榮衛之氣充滿、而  
抑遏不能行、故閉塞血氣、腐而為癰也、當泄  
之以奪盛熱之氣、若其人飲食踈、精神衰、氣  
血弱、肌肉消薄、榮衛之氣短促、而滯滯、故寒  
薄、腠理閉、鬱而為癰腫也、當補之以接虛怯  
之氣、亦當以脈浮沈別之、既得盛衰之異、泄  
之、則連翹、大黃、補之、則內托、散之類、是也、故  
經云、膏粱之變、饒生大疔、陷脈為癰、留連肉

怯

及舊本作汲

腠、此之謂歟、瘡瘍自外而入者、不亘灸、自  
內而出者、亘灸、外入者托之、而不內、內出者  
接之、而令外、故經云、陷者灸之、灸而不痛、  
痛而後止、其灸、灸而不痛者、先及其潰、所以  
不痛而後及良肉、所以痛也、灸而痛、不痛  
而後止、其灸、而痛者、先及其未潰、所以痛  
而次及其將潰、所以不痛也、聖惠治肥癩、  
灸背、用陽明菜、如犀角、麻黃、石膏之類、以其  
變在手、太陰、乾渴、或相火在中、故不用太陽  
菜、只用陽明也、海藏黃耆湯、分四物湯相

也 也

合亦名托裏湯之、內加桂沙參尤佳、以其氣血亦補之

易簡胃凡湯

治大人小兒、凡冷乘虛、入客腸胃、水穀不化、泄瀉注下、及腸胃濕毒、下如豆汁、或下瘀血、日夜每度

人參

茯苓

川芎

桂

當飯

芍藥

白朮

各等分

分

右以四、每服二錢、水一大盞、粟百餘粒、同煎七分、去滓、稍熱服、空心食前、小兒量力減之

此方加熟地黃、黃耆、甘草等分、足為十味、名

十補湯、大治虛勞

嗽加五味子

有痰者

加半夏

發熱加柴胡

有汗加牡蠣

虛

寒加附子

寒甚加乾姜、皆依本方等分、此

須脾胃壯者可服、稍不喜食、則不可用、往

今人只依脾胃虛、停積痰、飲發、為勞治之、服此

等藥、愈傷胃氣、至於不動者、比、皆是不可

不知也

若骨蒸發熱、飲食自若者、用大補

湯、柴胡各二兩、分作十服之

人參治氣短

茯苓小便不利、川芎脈瀉弦、官桂惡寒、當飯

脉瀉白芍芩、腹痛白朮、胃熱濕盛、先便後血者、血在上也、便血相雜者、血在中也、先血後便者、血在下也。

潔言云、防凡為上使、黃連為中使、地榆為下使、

血瘀色紫者、陳血也、熟地黄、血鮮色紅者、

新血也、生地黄、寒熱者、加柴胡、肌熱者、

加地骨皮、此證乃甲軟戊也、凡在胃口中、

土舊本作上

土、濕泄不止、濕既去盡而反生燥、庚軟甲也、

木無金氣、以其甲勝戊、厥庚為母、復讐也、故

經曰、亢則害、承乃制、是反制勝己之化也、若

脉洪實、痛勝者、加酒浸大黃、人參芍芩桂、

川芎當歸、白朮茯苓、七味、為蘇末、姜煎服之、

主胃凡

人參黃耆甘草三物湯 治瘡瘍 癰

黃耆甘草二物湯、治瘡痛、內加防己、為防己黃

耆湯、十全散、減黃耆甘草、熟地黄、即胃凡湯

也、內經有結陰、便血一條、初結一升、再結

二升、三結三升、

芍芩甘草例

仲景芍芩甘草湯

白芍药 四两

甘草 四两 依经文补

芍药白补而赤泻、白收而赤散也。酸以收之。其以后之酸甘相合、同补阴血。右二味、以水三升、煮取一升半、去滓、温服。

甘草乾姜汤 内经曰辛甘发散为阳

甘草 炙 四两  
乾姜 炮 二两

右以咀如前煎服之。

四逆汤

甘草 乾姜 附子

右三味依法煎服。

芍药甘草附子汤 芍药甘草黄芩汤

甘草一物汤

伤寒类要又甘草一物汤

治伤寒脉代、见心悸、动危困者。

甘草二两、水三升、煮取一升半、服七合、日二

亦治肺痿。

仲景灸甘草汤

治伤寒脉结代、心悸、动、此汤主之。属太阳证也。

甘草 生姜 人参 桂枝 大枣

麻仁 生地黄 麦门冬 阿胶 熬炒熟 各等分



右以胆、每服、用五錢、水一盞半、酒一盞、煎至八分、去滓、入膠、盡服。

東垣先生芍藥甘草例

芍藥二寸、草一湯、脉弦、加防風、川芎、脉洪、加

黃芩、脉緩、加桂枝、脉瀉、加當歸、脉遲、加乾姜、

大便軟、加白朮、小便瀉、加茯苓、雜病腹痛、

服諸藥不効、神應丸、

刻本无腹字

桂苓例

桂苓丸

又

烏梅肉一兩、桂半兩、茯苓二兩、

右焙梅乾、桂苓皆忌見火、三味同為極細末、

煉蜜丸、如鷄頭大、每服十九、細嚼、白湯送下、

津嚥亦可、

荔

桂枝煎

烏梅肉一兩、乾木瓜兩、神麩七錢、

白茯苓七錢、豆粉一兩、桂半兩、浮皮淨、

并

右麩粉、別為細末、餘四味、碾極細、後入麩粉、

化

和勻、煉蜜作挺、每挺一兩、可作十九、津犯下、

草豆蔻、御方思食丸同、

千里漿一名水葫芦、並見古集

木瓜半紫蘇葉各一桂去皮各烏梅肉

赤茯苓各一

右為細末、煉蜜丸、彈子大、每服一九、細嚼津

化、新汲水亦得。

烏梅散治下痢津液少、大渴引飲不休。

烏梅焙、半茯苓去皮、木瓜一一法、加桂三

右以咀、每服五錢匕、水一盞、半、善三片、煎至

七分、去滓服。

紫蘇湯治煩悶、口乾、多痰、咽、膈不利、手足煩熱。

紫蘇葉三甘草五烏梅肉四

杏仁一面去皮尖塩五

右細末、每服二錢、湯點服。

大順散 此法出桂枝乾姜甘草例

桂 乾姜炮、各甘草炙、六杏仁八

桂苓白朮丸

五苓散內去豬苓、加善屑、半夏、陳皮

糊丸、又加黃連、黃柏、為堅中丸。

又千里漿

麥門冬 紫蘇葉 木瓜 甘草炙

白茯苓 烏梅肉 杏仁去皮尖、各半

刻本無字牛

白牽牛

炒二分

川百葉煎

一兩

噲

右為細末酒糊糊為丸如櫻桃大噲化一法去  
牽牛蜜丸蠟固劑一丸噲之亦名水葫蘆

又方

百葉煎

烏梅

紫蘇

人參

甘草

麥門冬

右各等分為末熱湯點服

荔枝湯

烏梅

甘草

各三兩

白芷

百葉煎

二兩

檀

白豆

二錢半

右為末點服

梅葛散

百葉煎

烏梅肉

甘草

各一兩

丁香

右細末點服

桂漿出一斗料例

桂

三兩

白茯苓

去皮三兩

麥

栝

麩

神曲

各半斤

右四味為細末蜜三斤熟水一斗一法加烏

蜜酒

好蜜

二斤

水

一石

細麩

二升

好乾醉

二兩

右先熬蜜水去花沫令絕冷下醉每日三攪

三日熟

神木湯拾遺

神木加藁木湯

神木木香湯

通治露霧之氣

霧

菩薩散 治眼

是神木湯內加荊芥白蒺藜細末塩湯點眼

酒亦可

仲景烏梅丸 治傷寒吐後

烏梅 三百二十箇

細辛 一兩

乾姜 二兩

黃連 四兩

當故 一兩

附子 二兩

蜀椒 一兩

桂枝 一兩

人參 二兩

黃蘗 二兩

右將烏梅好醋浸一宿去核蒸之五斗米下  
飯熟杵成泥和藥令相得白中夕蜜杵二千  
下丸如桐子大食前飲下十丸日二服加二  
十丸分兩隨證主治加減此方當在厥陰條

錢氏芍藥皮丸

芍藥 黃蘗

守真藥皮丸

芍藥 黃蘗 黃連 當歸

四信散

黃連 黃蘗 芍藥 乾姜

孫用和治血痢以臙粉五錢定粉三錢同研勻  
水浸蒸餅為丸黍豆大每服七丸或十丸艾  
十枚枝水一大盞煎湯下湯多尤佳

古方駐車丸

黃連兩六 乾姜 當飯 阿膠各兩

右以上三味搗篩以三年米醋煮阿膠令消  
和菜象手撚凡梧子大每服三十丸飲下日  
三如每三年醋只用醋醋

藥皮湯專治久血利甚驗

藥皮 黃芩各二兩

右以咀每服四五錢水二盞煎至一盞去滓

入阿膠三片再煎膠化服腹痛甚者加梔子

一兩小便不利者加茯苓六分刻本作錢

活人黃連阿膠湯治熱毒入胃下利膿血

梔子 黃連 黃蘗 阿膠炒珠

右以咀依前法煎服

活人三黃熟艾湯

治傷寒三四日大熱下利熱藥不能止

黃芩 黃連 黃蘗 熟艾

海藏云以上苦寒之藥元病不經內傷冷物者

宜脈亦當察人之虛實及以脈別之

經曰脾脈外鼓沈若腸澀久不已外鼓謂動於

臂外也肝脈小緩為腸澀易治肝脈小緩

為乘肝故易治腎脈小搏沈為腸澀下血

小為陰氣不足搏為陽氣乘之熱在下故下

血也血溫身熱者死然血溫身熱陰氣衰

故死心肝澀亦下血肝藏血心養血故

澀皆下血也右二藏同病者可治心火小

木火相生故可治其脈小沈瀯為腸澀心

肝脈小而沈瀯者澀其身熱者是火氣內絕

去心而歸於外也故死火成數七故七日死

仲景治痢紫參湯

紫參二 甘草二

右以水五升煮紫參取汁二升入甘草再煎

去一升分作三服旋放溫服之

扁鵲云若衄血吐血脈當沈細若反浮大而牢者

死別揭叔和云一有若字衄血吐血沈細宜忽然浮大命傾危經

云泄脫血而脈實若過於此皆曰難治又

云血溫身熱者死

鼻黃連加減例

當在午少陰條下以其利在腸胃故列於此

加陳皮為栝連丸  
加訶子木香為小香連丸

黃連加黃蘗為二聖丸  
加木香白附子為白附香連丸

加榆仁為榆仁丸  
加阿膠茯苓為阿膠丸

加阿膠乾姜當飯為駐車丸

牛蒡子根散 用國醫孫和傳

格傷寒活人書括作牛蒡根散宜從

治汗不流古方罕言之此是汗出時蓋覆不

週汗出不勻以致腰背手足牽搐

牛蒡根 二十條 麻黃 二兩 牛膝 二兩 天南星 二兩

地竜 一兩

右牛蒡根去皮切并諸藥入砂盆內研細好

酒一升同研爛新布取汁後用炭火燒一地

坑子內通紅去炭掃盡茶汁內坑中再以火

燒黑色將出於乳鉢內細研每服半錢溫酒

調下日三服用和親患三年服之大効

玄胡丸

海葎詳解利佛寒凡系雜例並本方注後

玄胡 當飯 青皮 陳皮 三棧

廣茂 木杏 乾姜 另為細末 各半兩

雄黄

二文研粉入  
姜末同研

右醋糊丸、桐子大、每服三二十丸、白湯下、解

利内外傷、詩曰、

玄婦三廣木

青陳姜與黃

醋糊丸相大

偏亘内外傷

紫霜丸

治傷寒、濕壯、内夾冷實、或已得汗、身熱不除、

及變蒸、發熱、日久不解、因

堅晚未收、等、青、補、  
學、七、字、缺

食成痼俗  
呼為食

迷凡

代赭石

火燒赤石脂  
右末一兩

巴豆

三十斤  
云皮脉

炒研

杏仁

五十個去皮  
尖、剝、炒、另、研

右用研身、湯浸、蒸餅為丸、黃米大、小兒初生、

三十日以外、可服一丸、半歲一年二年、可用

三凡乳下、米湯亦得

無名丸

解内外與四生例相  
似、在半夏例條下

貫衆

茯苓

代赭石

各一兩  
滓、滓

自然銅  
三兩

三、三、醋、滓、九、遍

寒水石

燒或粉

黑豆

去皮、研、細

右件為細末、小麦麩為丸、菜豆大、生姜湯送

下、三五十九

名丸、此菜不、建、來、例、別、無、解、例、味、數、止、是、貫

原本作玄、當是知蓋、卅字誤耳



例恐利誤

象治乳凡方每解毒大抵解疫屬毒氣則効  
非若古法一作非之分經也 本草云代赭石苦甘  
寒主鬼疰賊風 自然銅辛平無毒療折傷  
散血主痛 貫衆治乳凡 半夏治傷寒寒  
熱已豆辛溫主傷寒溫瘧寒熱致煎亦解例  
此三藥雖云治傷寒止治因內感而發出  
之外多効若外感一日大陽受之不宜用此  
不知藥性者不可執此解利外感此藥大抵  
止治內不能行經若欲行經非湯液不能也  
代赭石自然銅二味兼以醋淬煨以苦酒

與火力同能上行故解利也 若以代赭自  
然二石以性論下行之藥無疑更當詳紫霜  
丸主治傷寒溫壯內夾冷實一句只知各名  
藥也

天麻朱砂丸 治內傷

天麻兩一作雄黃而半朱砂二巴豆去皮膜油半

右為細末蠟和作錠一作錠子旋凡如黍米大每服

三五丸溫酒白湯送下俱得食後 玄胡丸

內有雄黃乾姜苦酒與此一藥 本草云雄

黃味甘治石節中大凡所以解利

安先生傳、易光解利二藥

狼毒

大戟

草烏頭

生用各等分

右為細末、醋糊凡、桐子大、每服五七九、或十

九、溫水下

解利傷寒嗜茶

乾山菜

藜蘆

連鬚一錢

右為細末、紙捲噓之

楊氏內解丸

芫花

紅茶

各一分

右為細末、生用、醋糊凡、如棗豆大、溫水下

九、少頃、以葱醋米湯投之、無時

四生凡

天南星

半夏

芫花

自然銅

各等分

右為細末、醋打蕎麥麩為丸、棗豆大、酒積

痰、飲、胸、脹、腹、滿、食、飲、不、消、五、九、臨、臥、溫、水、下

忌熱物、傷寒時疾、豆豉湯下、十五九、三服

解心氣、大痛、溫醋湯下

醫星元戎卷第二終

季冬十月十三日依官庫古鈔本  
校訂是日記于直舍元簡

Faint, illegible text, likely bleed-through from the reverse side of the page.

